

Anna Valier-Berther, Camischolas/Gonda



Il tuchiez da s.Vigeli annunzia la damaun dils 23 da schaner 1997 la mort dad Anna Valier-Berther sesenta en casa da vegls S.Vigeli a Sedrun. L' Anna ei naschida ils 21 da november digl onn 1902 a Camischolas. Ses geniturs ein stai Vigeli Giusep Berther e Maria Elisabeth naschida Berther. A Camischolas passenta ella sia affonza el ravugl d'ina gronda famiglia dad endisch affons. L' Anna ei stada la secunda giuvna dalla famiglia. Il bab miera igl onn 1906, l' Anna haveva treis onns e miez. Exact il di ch'ella ha astgau frequentar il 15avel natalezi miera la buna mumma e lai anavos ils affons da vegliadetgna denter 12 e 30 onns. Suentar haver giu terminau las scolas da vischnaunca ha ei consequentamein tuccau alla Anna da semetter

en e far il da casa per ses fargliuns. Ella ei stada ina capavla e buna casarina.

Igl onn 1936 marida l' Anna il giuven Vigeli Valier da Camischolas. La letg vegn benedida cun ina feglia. A Camischolas ha ella fatg il pur sia veta cun premura e carezia e quei aschi ditg sco omisdus han pudiu e giu las forzas. Igl onn 1986 serendan els communablamein en casa da vegls a Gonda. Suentar mo in miez onn da veta communabla en casa da S.Vigeli banduna il carezau mariu Vigeli il terrester. Pressapauc diesch onns suenter suonda l' Anna siu mariu en tutta tgeudad.

Ils 25 da schaner vegn ella accumpiganda sin santeri da s.Vigeli. Ella ruassi en beda pasch.